




*Sum ex libris Joh. Wolffgangi  
Fabricij. Astro- Franci.*









NOBILIBVS, ILLVSTRIBVS  
AC GENEROSIS, MAGNIFI-  
CIS ATQVE PRVDENTIS-  
SIMIS VIRIS DOMINIS DOMINIS.

HIERONYMO IM HOF IN SPI.  
LESPERG ET OBERSCHWAINBACH ETC.

BERNHARDO RECH-  
LINGERO ETC.

SACRÆ CÆS: MAIEST: CONSILIAR: AVG:  
VIND. DVVMVIRIS PRÆFECTIS.

NEC NON CÆTERIS SENATORIBVS SEP-  
temuiris, Consulibus, Patribusq; conscriptis.

S. P.



Omanos, Patres amplissimi, viris de Rep:  
optimè meritis, statuas ex ære aliouè me-  
tallo in publico collocasse, veteres pas-  
sim scriptum reliquerunt: Pios filios,  
maiorum parentumque suorum pictas  
formas studiose congerere & asseruare,  
exempla quotidiana docent. Duumvi-  
rorum autem Præfectorum Urbis Augu-  
stanæ Vindel: summa in Remp: esse meri-  
ta, nemo nisi ingratus, negabit. Patres eos esse Patriæ, boni  
omnes fatentur. Publicis itaq; & hi monumentis digni, atq;  
à Ciuibus, parentum loco habendi sunt.

Quâ in re vt & ego grati ciuis specimen aliquod edam:  
dum statuarum fabricatione Romanos imitari non licet, id  
saltem quod filiorum est, tentare, atque Effigies Præfectorum  
Duumvirorum inclytæ huius Reipub: qui Sacratissimi atq;  
Gloriosissimi Imp: Cæs: Caroli V. augustissima sanctione &  
auspicijs, summa patriæ curam ab año Salutis M D. XLVIII.  
in præsentem vsque, gesserunt, typis æreis in publicū produ-



cere, priuatisque simul gratorum ciuium parietibus submini-  
strare, destinaui: omnino confisus, neq; sententiam optima-  
tum, nec acclamationē conciuum, in hoc mihi defuturam.

Veruntamen, vt iusto ad id ordine progrediar, Quique  
summi fuerunt & sunt, in summo imprimis loco statuantur:  
Vobis Præfecti Duumviri, cæterique Patres conscripti, Do-  
mini omni obseruantia submissioneq; mihi venerandi, cona-  
tum illum meum, reuerenter offero, dicoque, artificio qui-  
dem tenuem, at suâ ipsius dignitate, magnificum.

Suscipite viri amplissimi mente serenâ, deuoti ciuis humi-  
le studium, celebrandi Magistratus gratiâ susceptum, Eumq;  
publicâ & paternâ sollicitudine semper fouete: Ipsi valete.

**Amplit: & Magnif. Vestr.**

**Deuotissimus  
atque obsequentissimus**

**Lucas Kilián Ciuis  
Augustanus.**





## MARSILIVS FICINVS

lib: i. Epist: ad Petrum.

**P**atriam quisq; tanquam parentum parentem amet & colat: Priuatus, antiquis probatisq; legibus obediat tanquam Deo: non enim absq; Deo huiusmodi leges constituuntur. Magistratus meminerit non aliter se legibus, quam priuatum magistratibus esse subiectum: intelligat, se, cum iudicat, iudicari. Platonis praeceptum semper ante oculos habeat, ut non seipsum, sed Ciuitatem, non partem ciuitatis aliquam, sed vniuersam respiciat. Scia deniq; optimum in Caestri patriâ huic seruari locum, qui terrenam patriam ad caelestis exemplar pro Virbus disposuerit: communi enim mundi Regi nihil gratius, quam commune bonum.

Id quod vel sola naturalis ratio, ipsi quoq; M. Tullio licet Ethnico dictauit prout hæc eius verba testantur.

Sic habeto, omnibus qui Patriam conseruauerint, adiuuerint, auxerint, certū esse in cælo ac definitum locum, vbi beati æuo sempiterno fruantur. Nihil est enim illi principi Deo, qui omnem hunc mundum regit, quod quidem in terris fiat, acceptius, quam consilia cætusq; hominum iure sociati, quæ Ciuitates appellantur.

Cicero de somn: Scipi:



# NOBILIS DOMINIS LEO RAVENSPURGER.



Anno P. C. N. M. D. XLVIII. præcedentiq; ætate, summa administrandæ Augustanorum Vind: Reipub: authoritas, penes plebem illiusque Tribunos residebat, per Consules autem gerebatur. Quam Rempub: in melius, atq; in Aristocratiæ quodammodo formam commutare satagens Sacratissimus semperq; Augustus Imperator Carolus V. Præmunitius moderamen curamq;, Viris Duobus, Augustanis, Patritijs, de cætero credendum sanxit: Primosque, ipse coram, Præfectos Duumviros III. Non: Sextil: anni prædicti, Leonem Ravenspurger, & Marcum Vlster, renunciauit atque constituit: Quorum ille, Vir antea ex primis Senatorum & Tribunus ærarij, ingrauescente Senectâ, oneris pertæsus, dignitatem novam anno Salutis M. D. LIII. deposuit, eodemq; vitam clausit. Natus anno M. CCCC - - - parentibus Leone Ravenspurgero & Anna Peutingerin.







II.  
NOBILIS DOMINVS MAR-  
CVS VLSTET.



Lterum inclytæ Reip. Augustanæ cardinem, sollicitus de sa-  
lute & splendore Ciuitatis Imperator, anno illo M. D. XLVIII.  
designauit, Marcum Vlster, Tribunicium prius Consulem:  
Sebastiani Vlster & Vrsulæ Reiseræ F. anno M. CCCC. XCIV.  
natum: Qui finito Præfecturæ suæ anno primo, ab eadem  
spontè discessit; Senatoris Septemviri dignitate, ad Kal.  
vsque Ianu: anni M. D. LVI. quibus fato concessit, retentâ.







III.

NOBILIS DOMINVS HEN-  
RICVS RECHLINGER.



Vbrogarunt Anno M. D. XLIX. patres patriæ nostræ ab Im-  
peratore conscripti, legitimo calculo, in D. Vlsteri locum,  
Henricum Rechlingerum, anno demum præcedente, ad Se-  
natoriam, cum Ædilitiâ dignitate, Cæsareo delectu, euoca-  
tum : Qui, ad annum vsque M. D. LXXV. quo in acidulis  
Vberkingensibus sanitatem quærens vitam perdidit, Duum-  
viratum gessit; atque, (vti in Epitaphio à se in viuis conscripto ipse sibi te-  
stis est) Patriæ & amicis ita vixit, vt eum vixisse non pudeat. Parentes ha-  
buit, Ioannem Rechlingerum in Radavv & Horgavv, atque Annam à Die-  
tenheim : diem vero natalem xx i. Octob. anni M. D. IX.







IV.

NOBILIS DOMINVS CHRIS-  
TOPHORVS PEVTINGER.



Vartum in Præfecturâ Duumvirali, Senatorum suffragia collocarunt, Christophorum Peutingium, Conrado Peutingero IC ex Margareta Velfera anno Salutis M.D.XI. natum: Tum progrediente ad annum XLVIII. tempore, ab Imp: Carolo, in partem Senatus Augustani vocatum, deinde anno M. D. L. Consulari simul & Ædilitiâ dignitate auctum: vnde tandem, valedicente Magistratui D. Leone Rauenspurgero, anno M. D. LIII. ad summam illam Reipub: curam ascendit; quam anno Christi M. D. LXXVI. cum vitâ, absoluit.



MONUMENTA DOMINUS VITTORE





# NOBILIS DOMINVS ANTONIVS CHRISTOPHORVS RECHLINGER.



Ors D. Henrici, Rechlingerum alterum ad supremas pro  
Repub: Aug: vigilias acciuit, Antonium Christophorum  
scilicet, Christophori & Felicitatis Honoldinæ. F. Qui anno  
Christi M. D. L. in Senatum coopatus: post anno LXIII.  
Triumvir Ædilis designatus: & anno deniq; M. D. LXXV.  
ex Septemviro, mox Duumvir Præfectus, salutatus est. Sa-  
lutem Patriæ, prudenti magnanimitate, ad annum vsque LXXXIX. cura-  
uit, quam & posteris, anno eo moriens, Saluam reliquit. Viuere autem cœ-  
pit Anno M. D. XIX.









# ILLVSTRIS AC GENEROSVS DOMINVS DOMINVS MARCVS FVGGER.



Bsumto morte Peutingero, Præfecturam Ciuitatis vacuam,  
 Domino Marco Fuggero libero Baroni in Kirchberg & Weif-  
 senhorn &c. D. Antonij Fuggeri ex coniunge D. Anna Rech-  
 lingera filio, Senatus Augustanus detulit, anno Salutis  
 M. D. LXXVI. Quo magistratu annis IX. cum laude functus,  
 cum anno LXXXV. grauibus de causis deposuit; nec eo mi-  
 nus in Senatu & Septemviratu, quorum illi, anno LXI. huic vero LXVI.  
 conscriptus est, permanfit. Natalem diem numerauit xiv. Februarij anni  
 M. D. XXIX. fatalem vero sensit xvi i i. Iunij anni M. D. XCVII.









VII.  
NOBILIS DOMINVS IOAN-  
NES VELSER.



Nno Redemptionis humanæ M. D. LXXXV. Domini Marci Fuggeri in Duumviratu Successorem, atq; D. Antonij Christophori Rechlinger collegam, Senatus Augustanus constituit, Ioannem Velsenum, Bartholomæi atq; Felicitatis Granderinæ F. Qui anno M. D. XXX. in lucem editus: ad Rempub: M. D. LVIII. primò accessit, Assessoribus nimirum Iudicij annumeratus: vndè anno LXI. ad Senatoriam dignitatem euocatus, atq; inter alia sequenti anno rei militari præfectus: anno Christi LXXVIII. ad septemviratum curamq; Ærarij publici: ac demum elapso seprennio, ad summam Præfecturam ascendit: tandem autem viuere, patriæq; prodesse desiit, xxx. Augusti anno M. D. XCVI.







VIII.  
NOBILIS DOMINVS CHRIS-  
TOPHORVS ILSVNG.



Ctauis ad Duumviralem Reipub: Augustanæ clauum sedit,  
Christophorus Ilfungus, Genitoribus Melehioire Ilfungo &  
Margareta Rechlingera, anno Salutis M. D. xxxiii. ortus:  
defuncto autem Domino Antonio Christophoro Rechlinge-  
ro, solenni calculo anni M. D. Lxxxix. ad id muneris eue-  
ctus: Quod quidem præcesserunt: anno M. D. Lx. designa-  
tio in Assessorem Iudicij: Biennioq; post, cooptatio in Senatum: porro an-  
no M. D. Lxxxii. Consularis: ac deinde M. D. Lxxxiv. Senatoria septem-  
viralis dignitas. Veruntamen quinto Præfecturæ suæ anno M. D. xciv.  
videlicet, subsecuta mors, & hunc Primarium patrem, patriæ ademit.







ILLVSTRIS AC GENEROSVS  
DOMINVS DOMINVS OCTAVIANVS  
SECVNDVS FVGGERVS.



Vbmisit, in demortui D. Ilfungi locum, oneroso honori humeros Dominus Octavianus Secundus Fuggerus liber Baro in Kirehberg & Weissenhorn &c. patre Domino Georgio Fuggero & matre Domina Vrsula à Liechtenstein anno Christi M.D.XLIX. natus : Quem deinde anno M. D. Lxx x. ad Reipub : Augustanæ curam in Senatum introductum : quinquennioq; post Ædilitati præfectum : atq; anno M. D. XCIII collegio Secretioris senatus arrogatum : patres patriæ deniq; anno M.D. XCIV. Dumviralibus Reipub : gubernaculis admouerunt : quibus ipsum præmatura mors, anno M. D. C. iterum subtraxit.







# NOBILIS DOMINVS QUI- RINVS RECHLINGER.



Elata est, vacans morte Domini Ioannis Velseri, Reipub. Augustanæ Præfectura, Quirino Rechlingero, Domini Henrici Rechlingeri quondam Duumviri & Helenæ Hörvartæ filio: Qui anno M. D. XLIV. viuis annumeratus: tum M. D. Lxxi. Assessor Iudicij August: designatus: atq; anno M. D. Lxxvi. in album Senatorum relatus; porro M. D. Lxxxix. secretio-  
ri Septemvirorum collegio annumeratus: tandem anno M. D. XCVI. ad Duumviralem patriæ curam ascendit: quo tamen munere, (Saluâ Septemvirali prærogatiuâ.) ob incommoda Senectutis M. D. C. IV. vltro se exonerans: sequenti anno, vitam cum morte mutauit.







NOBILIS DOMINVS MAR.  
CVS VELSERVS.



Xrulerunt post obitum D. D. Octauiani Secundi Fuggeri, potiora Senatorum suffragia ad præfecturæ culmen, Marcum Velserum Matthæi ex Anna Bimlin F. Virum literarum ornamentis rerumque agendarum perspicaciâ, ætate suâ clarissimum: qui Anno reparatæ Salutis M. D. LVIII. vitæ sumens exordium: M. D. Lxxxiv. post, Assessoribus

Iudicij connumeratus, cum M. D. XCII. ad Senatoriam, moxque XCVI. Septemviralem dignitatem evectus: ac demum Anno seculari M. D. C. Duumvir renunciatus: diu inter acutissimos latentis simul atq; palam grafsantis morbi dolores, Reipub. curam fortiter gerens: tandem M. D. CXIV. Christi Anno, finiuit.







# NOBILIS DOMINVS IOAN-

## NES IACOBVS REMBOLDVS.

**I** Aruit abdicatio D. Quirini Rechlingeri, ad Duum viralem  
Vrbis Augustanae Praefecturam, adicum, Domino Ioanni Ia-  
cobo Remboldo: Qui Patre Casparo & matre Regina Vöh-  
lerin Año M. D. LIII. natus: Senator audiit Año M. D. Lxxvi.  
deinde rei Añonariae & Tributis praefectus: hinc Consul Año M. D. Lxxxiv.  
atq; Septemvir, Aerarijque publici curator, Anno M. D. XCH: & denique  
Duumvir ipso illo abdicatiōis tempore, Anno nimirum M. D. CIV. Quam  
vbi prouinciam, ad viginti vsque annos, adeoq; munera curasque publicas,  
duodequingenta annis, indefesso labore gessit: MDCXXIV. tandem  
Christi Anno. xxr. Maij, non sine luctu ciuium, diem extremum clausit.







# NOBILIS DOMINVS HIERO- NYMVS IM HOF.



Defuncto D. Marco Velfero, anno illo Christi M. D. C. XIV.  
vno Senatorum omnium ore, Duumvir XIII. Salutatur,  
spesq; altera surgit Vindelicum, Dominus Hieronymus im  
Hof: Parentibus Hieronymo & Catharina Kräfftin patricia  
Vlmense anno M. D. Lxxiii. editus. M. D. XCIV. Reipub:  
pater conscriptus: atq; M. D. C. in secretioris consilij septem-  
virum cooptatus, nec non quadriennio post, ad curam quoq; Aerarij, desi-  
gnatus. Malignos difficilesq; Præfecturæ suæ annos, in præsentem vsque,  
strenuè superauit: sit idem facilibus placidisque, quamdiutissime superstes,  
gratus Ciuibus, gratus DEO.







XIV.  
NOBILIS DOMINVS BERN.  
ARDVS RECHLINGER.



Vccessit in gerendis Duumvirali authoritate rebus Augustanis, Domino Ioanni Iacobo Remboldo, ex inclytâ Rechlingerorum familiâ, quartus, Dominus nimirum Bernardus Rechlinger, Sebastiani Christophori, & Annæ Voglin à Seysenburg F. natus XI. Nouemb: Anni MDLXIII. In album verò senatorium, Anno MDLXXXIX. relatus, moxque Anno sequenti, Tributorum Præfectis connumeratus, & triennio post, Ædilitiâ, atque MDCXI. Septemvirali, necnon Ærarij publici, & Rei militaris curâ dignitateque simul ornatus & oneratus, tandemque Anno Christi MDCXXIV. Præfectus Reipub: alter, nequiquâm id muneris fugiens excusandoque detrectans, renunciatus. Gentis suæ in patriam merita, proprijs iste cumulet, cui & quam diutissimè sospes præsit & prosit.





















































SPECIAL

87-B  
19391

THE GETTY CENTER  
LIBRARY



